

是園周氏後歸於王履泰尉濟美二家皆山西人王尉本北省  
富室業鹽淮南而家居不親籌筭王氏任之柴宜榘尉氏任之  
柴賓臣皆深諳鹺法者是河兩岸園亭皆用櫛子法其法京師  
多用之南北省人非熟習內府工程者莫能爲此朱鉉字鶴  
巢諸生有經濟才柴氏重之其兄東曙精於奕姚玉調蘇州人  
工小楷精於醫子蔚池有異才善圖樣平地頑石構製天然朱  
棠字惠南深明竿學史松喬出樣異常其子椿齡字壽莊名諸  
生皆其選也若王世雄工砮礮器好交游廣聲氣京師稱之爲  
砮礮王又良工也他如一工之奇一技之巧見聞所及者各附  
於諸家工次